

raro occurunt, illa tamen omnia non evincunt, quod evincere debent, siquidem Jus civile in se spectatum, nihil aliud complectitur, quam extantiora Juris naturalis, aut praceptivi, aut permissivi capita ac momenta explanata & applicata. (IV) Officium boni legis interpretis cum summa legislatoris autoritate commiscet. Hujus, non illius est, latas leges abrogare, novas vero condere, adeoque Jura emendare & suo nitori restituere, legis interpres e contrario cum legum sensum eruere, tum earum rationes reddere tenetur, quae si certo desint, in subsidium vocandus est legislator, ut secundum aequitatem responsa dare jubeat. (V) Probandum est Arnoldo unico saltem exemplo, Lutherum a Politicis, ad eis connivendum, eorumque vitia non reprehendenda fuisse adactum, potius, qui scripta ejus attentius, quam Arnoldus, legit, praedicabit, imo mirabitur, adhibitam ejus scribendi & in Politicos, si opus, detonandi libertatem, publice detestabatur multorum tyrannidem, mala consilia ad subditos supprimendos, bonisque privandos, serio improbabat, imo, si non resipiscerent, Dei iram & poenas temporales ac aeternas annunciabat. Quod vero etiam alios Theologos supinae negligentiae, hac in parte insimulare possit, nullum aut exiguum suo more affert fundamentum, imo ipse diffiteri non potest *l. c. c. XVI. §. 14-20*, LVTHERVUM, MELANCHTHONEM, MATTHESIVM, SELNECCERVUM, NICOLAVM, CHYTRAEVUM, HEMMINGIVM, SARCERIVM aliasque multa severitate, corruptos Magistratum mores, ad pudorem eis incutiendum, exposuisse, imo acerbe castigasse, quod si fecerint multi cordati Theologi, (de omnibus sermo non est) fecerunt, quod vi vocationis ac conscientiae praestare debebant ac poterant.

PRAEIVDICIVM IX.

Lutherum per Reformationem disciplinam & ex-
com-